



ქართულ-ინგლისური სკოლა „ბრიტანიკა“ ინტელექტუალთა კლუბი „მოაზროვნე“

დ ე ბ უ ლ ე ბ ა

თუ კაცსა ცოდნა არა აქვს გასტანჯავს წუთისოფელი
დ. გურამიშვილი

მისია

ინტელექტუალთა კლუბი „მოაზროვნე“ არის ქართულ-ინგლისური სკოლა „ბრიტანიკა“-ს საბაზო და საშუალო საფეხურის მოსწავლეთა ნებაყოფლობითი გაერთიანება. იგი მიზნად ისახავს მოსწავლეთა ინტელექტის განვითარებას. ისეთ უნარ-ჩვევების ჩამოყალიბებას, როგორიცაა: სწრაფი აზროვნება, ფორსმაჟორულ სიტუაციაში სწორი გადაწყვეტილებების მიღება, ცოდნის სისტემატიზაცია, მიზანსწრაფულობა და თეორიული ცოდნის პრაქტიკულად გამოყენება, ასევე ლოგიკური დასკვნებისა და აზრის სწორად ჩამოყალიბების, ჯგუფური მუშაობისა და ურთიერთანამშრომლობის, პრობლემის გადაჭრის, აბსტრაქტული აზროვნების უნარები.

1. ზოგადი დებულება

- 1.1 კლუბი დაფუძნებულია, სკოლის გეოგრაფიის მასწავლებლის ქეთევან მაისურაძეს და მოსწავლეთა თვითმმართველობის ინიციატივით.
- 1.2. კლუბი დაფუძნებულია განუსაზღვრელი ვადით და თავისი მიზნებიდან გამომდინარე, მოქმედებს საქართველოს ტერიტორიაზე.
- 1.3. კლუბს აქვს სახელწოდება, ლოგო, დევიზი.
- 1.4. კლუბის იურიდიული მისამართი: ქ. თბილისი, ჩარგლის ქუჩა №65

2. კლუბის მიზანი და ამოცანები:

- 2.1. ინტელექტუალთა კლუბი „მოაზროვნე“ მიზნად ისახავს მოსწავლეთა ცოდნის გაღმავებას.
- 2.2. მოსწავლეთა სამოქალაქო აქტიურობის ფორმირებას არასაგაკვეთილო ფორმებით.

2.3. მეცნიერებთან, მწერლებთან, საზოგადო მოღვაწეებთან შეხვედრის ორგანიზება.

2.4. კონფერენციების, პრეზენტაციების, ვიქტორინების, კონკურსების ორგანიზება.

3. კლუბის ფუნქციონირება დაფუძნებულია ნებაყოფლობითობაზე, თანასწორობასა და თვითმმართველობის პრინციპებზე.

4. კლუბში გაწევრიანება

კლუბის წევრებს აქვთ თანაბარი უფლება-მოვალეობები. კლუბში გაწევრიანება ხდება კლუბის სხდომაზე. კლუბის სხდომაზე გაწევრიანების მსურველი უნდა წარსდგეს პირადი განცხადებით.

4.1. კლუბში გაწევრიანება შეიძლება პირადი განცხადების საფუძველზე;

4.2. კლუბში გაწევრიანების გადაწყვეტილება მიიღება კლუბის საბჭოს სხდომაზე, კლუბის დამფუძნებელთან შეთანხმებით.

4.3. კლუბის წევრს უფლებამოსილება უწყდება პირადი განცხადების და საბჭოს სხდომის გადაწყვეტილების საფუძველზე.

5. კლუბის წევრთა უფლება-მოვალეობანი

კლუბის წევრებს აქვთ შემდეგი უფლება-მოვალეობები:

5.1 კლუბის წევრი ვალდებულია მიიღოს მონაწილეობა კლუბის საქმიანობაში, კლუბის მიერ ჩატარებულ ყველა ღონისძიებაში.

კლუბის წევრებს უფლება აქვთ:

5.2. აირჩიონ კლუბის ხელმძღვანელი და თავად იქნან არჩეული.

5.3. მიაწოდონ წინადადებები კლუბის ხელმძღვანელ ორგანოს კლუბის მუშაობასთან დაკავშირებით.

5.4. მიიღონ ნებისმიერი სახის ინფორმაცია კლუბთან დაკავშირებით.

5.5. კლუბის წევრს ეკრძალება იმოქმედოს ორგანიზაციის სახელით კლუბთან და სკოლის დიერქციასთან შეთანხმების გარეშე.

5.6. კლუბი პასუხისმგებელია მისი წევრის მხოლოდ იმ საქმიანობაზე, რომელიც დაკავშირებულია კლუბის საქმიანობასთან.

5.7. კლუბის წევრები ფარული კენჭისყრით ირჩევენ კლუბის პრეზიდენტს.

კლუბის ხელმძღვანელი ორგანოები

კლუბის პრეზიდენტი

კლუბის პრეზიდენტი ირჩევა ერთი წლის ვადით ფარული კენჭისყრით კლუბის წევრთა მიერ.

პრეზიდენტის გადაყენება შესაძლებელია:

1. პირადი განცხადების საფუძველზე.

2. კლუბის წევრთა ნახევარზე მეტის გადაწყვეტილების საფუძველზე.

კლუბის პრეზიდენტი უფლებამოსილია:

1. ჩაატაროს კლუბის სხდომა და მოამზადოს მასალა სხდომისათვის

2. უხელმძღვანელოს კლუბის საბჭოს, დაამტკიცოს საბჭოს გადაწყვეტილებები და წარადგინოს კლუბი სკოლის წინაშე.

3. მართოს კლუბი სხდომებს შორის პერიოდში.

4. მიიღოს ოპერატიული გადაწყვეტილებები.

უფლებამოსილია უარი თქვას დაკავებულ თანამდებობაზე და წერილობით აცნობოს კლუბის წევრებს

კლუბის მდივანი

კლუბის მდივანი აირჩევა კლუბის წევრების მიერ ერთი წლის ვადით.

კლუბის მდივანი შეიძლება განთავისუფლებული იქნას პირადი განცხადების საფუძველზე.

მდივანი უფლებამოსილია:

1. ამცნოს კლუბის წევრებს კლუბის სხდომათა თარიღები და თემატიკა.

2. აწარმოოს სხდომათა ოქმები და გამოაქვეყნოს კლუბის ყოველწლიური ანგარიშები.

3. კლუბის მოღვაწეობის შესახებ ამცნოს სკოლის დირექციას.

4. უარი თქვას დაკავებულ თანამდებობაზე და ამცნოს გადაწყვეტილება კლუბის ხელმძღვანელობას.

კლუბის საბჭო-წარმოადგენს მუდმივმოქმედ ხელმძღვანელ ორგანოს, რომელიც აირჩევა სკოლის პედაგოგების და მოსწავლეების მიერ ერთი წლის ვადით. კლუბის საბჭო ამზადებს და ატარებს კლუბის წევრთა სხდომას, ადგენს სამუშაო გეგმას, გამოაქვს სხდომაზე დასამტკიცებლად, და ისმენს ანგარიშს, ორგანიზებას უკეთებს და ატარებს სხვადასხვა ღონისძიებებს. ირჩევს კლუბის საპატიო წევრებს იმ ადამიანთაგან, ვისაც წვლილი შეაქვს კლუბის მუშაობაში.

კლუბის საბჭო იკრიბება თვეში ერთხელ.

კლუბის საბჭო:

ა) ასრულებს ორგანიზაციულ ფუნქციებს.

ბ) ამტკიცებს და ცვლის წესდებს.

გ) წაახალისებს კლუბის წევრებს, პასუხისმგებლობას აკისრებს მათ. წყვეტს ნებისმიერ პრობლემას კლუბის ფუნქციონირებასთან დაკავშირებით.

დ) ყველა გადაწყვეტილება მიიღება კლუბის საბჭოს წევრთა უმრავლესობით.

კლუბის სამუშაო გრაფიკი

კლუბი იკრიბება თვეში ერთხელ. კლუბის დაკომპლექტების შემდგომ პირველივე შეხვედრაზე უნდა დადგინდეს შეხვედრის დღე. კლუბის საბჭო ვალდებულია გამოაკრას კლუბის მუშაობის განრიგი და შეხვედრის ადგილი. კლუბი ვალდებულია წინასწარ გაწეროს საჩვენებელი ღონისძიებების ჩამონათვალი ერთი სასწავლო წლის მანძილზე არა უმცირეს 3/4.

5. მუშაობის ფორმები

ინტელექტუალთა კლუბი კავშირს ამყარებს (შესაძლებლობის ფარგლებში) საქართველოს და უცხო ქვეყნის მოსწავლეებთან და სკოლებთან სოციალური ქსელის საშუალებით. მომავალში შესაძლებელია უშუალო კავშირებიც (მიმოწერა, ერთობლივი ღონისძიებები, ერთმანეთთან სტუმრობა, ურთიერთგაცნობა) კლუბთან თანამაშრობლობენ მასწავლებლები, მშობლები, და სხვა დაინტერესებული პირები.

6. კლუბის ქონება:

კლუბის ქონება და სახსრები იქმნება:

- 6.1. იურიდიული და ფიზიკურ პირთა შემოწირულობებით.
- 6.2. გრანტებით.
- 6.3. სხვა კანონიერი საქმიანობით მიღებული შემოსავლებით.
- 6.4. კლუბის ქონება გამოიყენება საწესდებო მიზნებისა, სასკოლო და საქველმოქმედო საქმიანობის შესასრულებლად.